

BERSIH 2.0: PERKASA lawan habis-habisan
Malaysiakini.com
June 13, 2011

Kumpulan pendesak Melayu, PERKASA memberi amaran bahawa mereka akan menganjurkan protes bagi menghalang rancangan Gabungan Pilihan Raya Bersih dan Adil (BERSIH 2.0) untuk mengadakan perhimpunan aman yang didakwa mereka sebagai "mengacau".

Ketuanya, Datuk Ibrahim Ali berkata PERKASA akan "lawan habis-habisan" bagi menghalang perhimpunan itu jika penganjurnya berkeras untuk turun ke jalanan di Kuala Lumpur pada 9 Julai ini.

"(Jika mereka teruskan) akan ada pertembungan. Jika berlaku, ini demi kebaikan," kata Ibrahim pada sidang akhbar di lobi Parlimen hari ini.

Ibrahim, yang juga ahli parlimen Pasir Mas, berkata kumpulannya itu akan berarak menentang penunjuk perasaan BERSIH 2.0 bagi membuktikan bahawa tidak semua rakyat Malaysia setuju bahawa pilihan raya di negara ini adalah "kotor".

Beliau yang juga pernah dilucutkan gelaran "Datuk" oleh Sultan Kelantan mendakwa tindakannya itu adalah demi menjamin kepentingan demokrasi.

"Saya tak boleh bayangkan, bila ramai yang berhimpun, mereka akan baling batu, bakar kereta... PERKASA akan turun ke jalanan dan halang mereka (perhimpunan BERSIH)," katanya.

BERSIH 2.0 yang diketuai oleh beberapa pemimpin NGO dijadual mengadakan demonstrasi besar-besaran di Kuala Lumpur pada 9 Julai ini.

Tujuannya ialah untuk menyerahkan satu petisyen kepada Yang di-Pertuan Agong supaya campur tangan dalam memulakan reformasi sistem pilihan raya negara.

- * Petisyen itu akan mengusulkan tujuh permintaan:
- * Petisyen itu akan mengusulkan tujuh permintaan:
- * Pendaftaran pengundi secara automatik ketika berusia 21
- * Reformasi bagi sistem undi pos untuk para pengundi luar bandar
- * Penggunaan dakwat yang tidak dapat dipadamkan bagi mengelakkan undi berulang-kali
- * Capaian media aliran utama untuk parti pembangkang
- * Tempoh kempen minimum 21 hari
- * Kebebasan badan penguatkuasaan bertindak berhubung kesalahan pilihan raya
- * Menghapuskan rasuah pilihan raya